



ATASSUT

04.11.2015.

Siverth K. Heilmann

UKA 2015/105

**Nuna tamakkerlugu ikiaroonartoq hash-ip akiorniarneqarnissaa pillugu iliuusissamik pilersaarummik UKA 2016-imi Naalackersuisut saqqummiussaqaqqullugit Inatsisartut aalajangiiffigisassaattut siunnersuut.**

(Inatsisartunut ilaasortaq Mimi Karlsen, Inuit Ataqtigiit)

Siullermik inatsisartuni ilaasortaq Mimi Karlsen, Inuit Ataqtigiit aalajangiiffigisassatut siunnersuuteqarneranut qujanaq, imatullu naatsumik ATASSUT-miit oqaaseqarfigissavarput.

Oqartariaqarpugut ukiorpassuit pinaveersaartitsineq aqqutigalugu suliniutit, politiit akileraartarnermilu suliaqartut il.il.ikiaroonartumik nunatsinni eqqussuineq atuinerullu ajornartorsiutaanera pissutigalugu sukaterisoqartoqartuaraluartoq, ajornartorsiut milliartorani siunnersuuteqartup tikkuartugai annertusiartuinnarnera isiginngitsuusaaginnarnatigu partiit tamatta suleqatigiinnitsigut iliuuseqartariaqalernerput ATASSUT-miit tunngaviatigut isumaqatigaarput.

Qularutissaanngilaq tusartakkagut ilisimasagullu siunnersuuteqartup tunngavilersuinermini taakkartugaata saniatigut peqartugut suleriaqqinnissami atorluarsinnaasunik. Siunnersuuteqartup aalajangiiffigisassatut qulequtsiussaani immi ajunngikkaluartoq qularnarsinnaavoq, suliamik peqqissarullugu suliaqarnissami Naalackersuisut UKA 2016-imi inatsisartunut saqqummiussaqaqarnissaat angumerineqarsinnaanersoq. Taamaattorli ATASSUT-miit ammaffigilluinnarparput attuumassuteqartut tamaasa peqatigaluinnarneqarnissaannik ataatsimiititaliami nalilersuinissaq eqqartorneqarumartoq.

ATASSUT-miit ikiaroonartoq pillugu oqallittarnermi suut eqqumaffigineqarnissaat iliuusaasinnaasunillu tikkuartuisaqaagut, tamakkuali uteqqinngikkaluarlugit siunnersuut paasilluarlugu iliuuseqartariaqarnerpullu avaqqunneqarsinnaannginnera paasilluarlugu suliap aappassaaneerneqannginnermi ni ataatsimiititaliamut susassaqaqartumut ingelateqqaarnissaa ATASSUT-miit inassutigaarput.